



PREZIDÉNSIA KONSELLU MINISTRUS

VII GOVERNUN KONSTITUSIONÁL

KOMUNIKADU IMPRENSA

DILI, LORON 1 FULAN-MARSU TINAN 2018

Asinatura kona-ba Akordu entre Timor-Leste no Austrália iha Novaiorke

Iha loron 6 fulan-marsu mai ne'e, Timor-Leste no Austrália sei asina tratadu foun kona-ba delimitasaun ketan-tasik sira (fronteira marítima) entre nasaun rua ne'e iha Novaiorke, iha Sekretáriu-Jerál ONU, António Guterres, nia oin. husi Atuál Ministru Adjuntu Primeiru-Ministru nian Agio Pereira, maka sei reprezenta Timor-Leste hodi asina akordu kona-ba Delimitasaun Ketan sira (Delimitasaun Fronteira), no Austrália sei reprezenta husi atuál Ministra Negósius Estranjeirus, Julie Bishop.

La tuir ona buat ne'ebé mak ema hotu hein, serimónia asinatura kona-ba akordu ne'e sei la konta ho prezensa atuál Primeiru-Ministru Austrália nian, Malcom Turnbull, nune'e mós sei la iha prezensa husi Primeiru-Ministru Timor-Leste nian, Marí Alkatiri. "Konteúdu husi akordu ne'ebé sei halo entre Timor-Leste no Austrália ne'e ko'alia liu kona-ba delimitasaun liña ketan-tasik nian entre nasaun rua ne'e, no la ko'alia kona-ba aspetu sira ne'ebé relasiona ba esplorasau Greater Sunrise nian. Iha ona konfirmasaun ofisiál katak Primeiru-Ministru Austrália nian sei la marka prezensa iha serimónia asinatura tratadu ne'e nian, no tanba ne'e laiha sentidu atu Primeiru-Ministru Timor-Leste nian dezloka ba Novaiorke iha loron 6 fulan-marsu ne'e", deklara atuál lider husi Governu Konstitusionál VII.

Hafoin asinatura, tratadu ne'e sei hetan ratifikasaun husi Parlamentu Timor-Leste no Austrália nian, no tuirmai sei vigora iha ordenamentu jurídiku internu nasaun rua ne'e nian. **REMATA**



Palácio do Governo,
Avenida Presidente Nicolau Lobato,
Dili, Timor-Leste

ddigovtl.09@gmail.com
(+670) 33 310 608